

獸衣生馬記經





經

獸

黃省曾撰
周履靖增補

編主五雲王

編初成集書叢

種一他其及經獸

中華民國二十五年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

(本書校對者陳敬衡)

一三九三上

張

獸經

吳郡黃省曾撰

嘉禾周履靖增補

麒麟龜牝

爾雅曰：麋，麋身牛尾，一角。漢京房易傳曰：馬蹄有五彩，腹下黃，高丈二。吳陸機草木鳥獸魚蟲疏曰：黃色圓蹄，角端有肉，音中鍾呂，行中規矩，遊必擇地，詳而後處，不履生蟲，不殘生草，不羣居於呂行，不入陷阱，不罹羅網，王者至仁則出。

亦曰瑞獸

牡鳴曰逝聖，牝鳴曰歸和，春鳴曰扶助，夏鳴曰養綏。口尚書中候握河紀云：帝軒題象，麒麟在囿。孝經援神契曰：德至鳥獸，則麒麟臻。唐傳云：堯時麒麟在郊藪。春秋感精符曰：王者不刳胎，不剖卵，則出於郊。漢董仲舒春秋繁露曰：恩及羽蟲，則麒麟至。鵬冠子曰：麟者，玄枵之精也，德能致之，其精必至。

毛族之君長也

大戴禮記曰：毛蟲三百六十，而麟爲之長。王隱晉書曰：太始元年，白麟見，羣獸皆從。

騶虞義獸

山海經曰林氏國有珍獸大若虎五彩畢具尾長於身名曰騶虞乘之日行千里漢許慎說文曰食自死之肉名曰騶虞草木鳥獸魚蟲疏曰騶虞白虎黑文不食生物不履生草應信而至者也蓋白虎西方毛蟲故云義獸孫柔之瑞應圖記曰王者不暴虐及行葦則見孝經援神契曰德至鳥獸白虎見河圖括地象曰令警野中有玉虎晨鳴雷聲聖人感期之興

羔羊跪乳

說文曰羔羊子也春秋繁露曰羔飲其母必跪類知禮者公羊傳何休注云乳必跪而受之

羴羊善鬪

爾雅曰羴如羊郭璞注曰羴羊似吳羊而大角角橈出西方晉呂忱字林曰野羊有角者也宋陸佃埤雅曰善鬪至死廣志曰羴羊角重於肉

羴羊防患

爾雅曰羴夫羊郭璞注曰似羊而大角圓銳好在崖間陶隱居云角甚多節感感圓繞唐陳藏器本草拾遺曰羴羊角有神夜宿以角挂樹不着地蓋防患也字說云鹿比其類環其角外向以自防羴獨棲其角木上是所謂羴

夷羊不祥

急就篇顏氏注曰。羝羊。未卒歲也。一曰。夷羊。重百觔者。爲羝。王應麟補注曰。夷羊。怪獸。殷之衰。夷羊在牧。馬之良者曰駒駘。曰驥。

字林云。駒駘。北秋良馬也。一曰野馬。史記曰。匈奴奇畜則駒駘。瑞應圖記曰。幽隱之獸。有明王在位。則至。穆天子傳曰。野馬。走五百里。說文解字曰。驥。千里馬也。回鶻傳曰。唐時東骨利幹國產良馬。日中馳數百里。太宗時來獻。帝取其異者。號十驥。

蹄駢曰驥

爾雅曰。駢蹄駢。善陸戰。郭璞注曰。駢蹄如駢。而捷上山。秦時有駢蹄苑。

小傾曰盜驥

那爾雅疏曰。駿馬小頸。□□鹽驥。穆天子傳曰。天子命駕八駿之乘。右服盜驥。而左綠耳。

青曰駢

急就篇顏氏注曰。青驥之馬。文如蒼也。說文解字曰。文如博蒼。尸子曰。馬有秀駢。

赤曰驥

說文解字曰。赤馬黑毛尾也。荀子曰。驊、駢、駢、驥、纖驥。綠耳。古之良馬也。

紫曰紫燕

葛洪西京雜記曰文帝自代還。有良馬九匹。故曰紫燕騮。尸子曰。我得民而治。則馬有紫鸞蘭池。

白曰白

穆天子傳曰。天子八駿。三曰白義。王粲漢末英雄記曰。公孫瓚常常乘白馬。又揀白馬數十匹。選射之士。號爲白義。從以爲右左翼。胡甚異之。

非龍曰龍

周禮曰。馬八尺以上爲龍。月令曰。駕蒼龍。尙書中候曰。龍馬赤文綠色。

非魚曰魚

爾雅曰。二目白魚。郭璞注曰。佻魚目也。詩曰。有驪魚。

回毛在膺曰宜乘

邢昺爾雅疏曰。旋施也。膺。臂也。旋毛在臂者。名宜乘。漢樊光爾雅注曰。俗呼之官府馬。李伯樂相馬法。旋毛在腹下如乳者。千里馬。

在肘後曰減陽在幹曰弗方背曰關虞

邢昺爾雅疏曰。此別馬旋毛所在之名也。幹。脅也。馬火畜也。其蹄圓。其疾臥起。先前足。牛土也。畜也。其蹄折。其疾立臥。先前足。造。造化。禮輿云。夫乾爲馬。坤爲牛。乾。陽物也。馬故蹄圓。坤。陰物也。牛故

蹄折陽病則陰勝。故馬疾則臥。陰病則陽勝。故牛疾則立。馬陽物。故起先前足。臥先後足。牛陰物。故起先後足。臥先前足。

麕獅子也無角而善走

司馬彪續漢書曰。章和元年。安息國獻獅子。形似麟而無角。後漢順帝紀。陽嘉二年。疏勒國獻獅子。封牛。漢劉珍東觀漢記曰。疏勒王盤遣使文時。詣闕獻獅子。似虎。正黃頰。頰形。尾端茸毛大如斗。張華博物志曰。魏武伐冒頓。得獅子。還至四十里。雞犬皆無鳴吠。

亦曰狻麕

爾雅曰。狻麕如獠貓。食虎豹。璞注曰。卽獅子也。穆天子傳云。狻麕日走五百里。

亦曰白澤

說文曰。一名白澤。瑞應圖記曰。黃帝巡於東海。白澤出能言語。賢君德及幽遠。則出。

虎於麕也無角而善卜

說文曰。虎。山獸之君也。楚謂之於麕。能畫地卜。食狐剛子。感應類從譜曰。虎行以爪坼地。口口耦而行。

亦曰李耳

漢揚雄絕代語釋別國方言曰。虎。陳魏宋楚之間。謂之李父。江淮南楚之間。謂之李耳。注曰。虎食物值耳。

卽止以觸其諱故也。

亦曰伯都

方言曰自關東西或謂之伯都。

黃黑白雌

爾雅曰雌叩鼻而長尾郭璞注曰雌伯獼猴而大黃黑色尾長數尺似獼尾未有岐鼻露向上兩卽自縣於樹以尾塞鼻或以兩指江東人亦取養之爲物捷健。

蒼白曰貆

廣志曰貆色蒼白其皮溫煖南中八郡志曰貆大如驢狀似熊多力食鐵所觸無不拉。

獬豸任法

漢東方朔神異經曰獬豸忠直見人鬪則觸不直聞人論則咋不正一名任法獸。

獼婦惡織

異物志云昔有婦獼織姑媯之死爲此獸其口以照讀書績紡則暗若宴會歌舞則明。

麋鹿短脰

邢昺爾雅疏曰脰項也麋鹿之獸皆短項。

威夷長脊

爾雅曰。威夷長脊而泥。邢昺爾雅疏曰。威夷之獸。長脊而劣弱少力也。

豺祭以獸其陳也方秋獵候也

爾雅曰。豺狗足。說文曰。狼屬狗聲。邢昺爾雅疏曰。貪殘之獸。月令曰。季秋之月。豺祭獸。戮禽。又曰。是月也。天子乃教於田獵。埤雅曰。豺獺之祭。皆四面陳之。而獺圓布。豺方布。

獺祭以魚其陳也圓春漁候也

埤雅曰。獺獸西方白虎之屬。似狐而小。青黑色。膚如伏翼。水居。食魚。說文曰。獺屬。月令云。孟春之月。獺祭魚。然後虞人入澤梁。本草圖經曰。江湖間多有之。北土人亦馴養以爲翫。魏張揖廣雅曰。一名水狗。然有兩種。有獺獺。形大。頭如馬。身似蝙蝠。淮南子曰。養池魚者。不畜獺獺。

麋統其類

獸伯鹿而大名苑曰。鹿之大者曰麋。羣鹿隨之。皆視麋所往。麋尾所轉爲準。

果然號其類

僞唐徐鉉吳錄曰。九真晉浦縣有獸名果然。獾狢類也。色青赤有文。居樹上。吳萬震南州異物志曰。交州以南有果然獸。其名自呼。身如猿。犬面。唐李肇國史補曰。揚州人取一果然。而數十果然可得。蓋果然不

忍傷其類。聚族而啼。雖殺之不去也。此禽獸狀而人心薄俗有不如者。果然大類猩猩。

狐惡其類。鬼所乘也。一名玄丘校尉。千年變淫婦。

埤雅曰。狐性疑。則不可以合類。故字從狐省也。說文曰。狐。妖獸。鬼所乘也。海錄碎事曰。玄丘校尉。狐也。郭氏玄中記曰。千歲之狐爲淫婦。百歲之狐爲美女。名山記曰。狐者。先古之淫婦也。其名曰紫。化而爲狐。故其性多。自稱阿紫。于實搜神記曰。狐媚人。自稱阿紫。唐段成式酉陽雜俎曰。野狐名紫。夜擊尾出火。將爲恠。必戴鬻。拜北斗不墜。則化爲人矣。

鹿愛其類。仙所乘也。一名鉅鹿侯。千年變蒼白。

爾雅曰。鹿。牡。麋。牝。麇。其子麇。鳥獸草木魚蟲疏曰。鹿欲食。皆鳴相召。志不忘也。埤雅曰。鹿愛其類。出於天性。舊說鹿者仙獸。嘗自能樂性。從其雲泉。至六十年。必懷於角下。角有班痕。紫色如點。行或有延出於口。不復能急走也。葛洪神仙傳曰。魯女生者。餌朮絕穀。入華山。後故人逢女生。乘白鹿。從玉女數十人。海錄碎事曰。鉅鹿侯。鹿曰。抱朴子曰。鹿壽千歲。滿五百歲。則色白。劉向列仙傳曰。鹿一千年爲蒼鹿。又百年化爲白鹿。又五百年化爲玄鹿。

熊子路也。自樹而投地。

說文云。熊似豕。山居。冬蟄。春出。祖冲之述異記曰。東土呼熊爲子路。劉敬叔異苑曰。以物擊樹云。子路可。

起。於是使下。不呼則不動也。詩義疏曰。熊能攀緣上高樹。見人則顛倒投地而下。

猶犬子也。自地而升樹。

爾雅曰。猶如麋。善登木。說文云。隴西謂犬子爲猶。獾屬也。海錄碎事曰。聞人聲乃豫升木。如此上下。故稱猶豫。

狒狒人面而善笑。

爾雅曰。狒狒如人被髮迅走。食人。郭璞注曰。梟羊也。山海經曰。梟羊在此煦之西。其狀人面長脣。有毛反踵。見人笑亦笑。左手操管。

猩猩人面而善啼。

爾雅曰。猩猩小而好啼。山海經曰。人面豕身。能言語。郭璞注曰。今交趾封谿縣出。狀如獾狨。聲倍小兒啼。蜀志曰。音作小兒啼聲。既能人語。又知人名。酈元水經注曰。猩猩形若狗而人面。頭顏端正。善與人言。音聲妙麗如婦人。對語聞之。無不酸楚。南中志曰。土人執還內牢中。人欲取者。到牢邊語云。猩猩可自相推肥者出之。既擇肥。竟相對而泣。

文文善呼。

山海經曰。放臯之山。有獸焉。其狀如蜂。枝尾而反舌。善呼。其名曰文文。

雙雙善行

山海經曰南海之外赤水之西流沙之東有三青獸相并名曰雙雙。

羊羴羴也亦曰羴羴

爾雅曰羊牡羴牝羴夏羊牡羴牝羴郭璞注曰羴吳羊白羴夏羊黑羴羴羴黑羴也歸藏曰兩羴兩羴。

亦曰髯鬚主簿其聲羊羊非佳草不悅

崔豹古今注曰羊一名髯鬚主簿說文解字曰半羊鳴也從羊象聲氣上出其性嗜草。

豬緞處也亦曰豨獫

方言曰豬北燕朝鮮之間謂之豨關東西或謂之處或謂之豕南楚謂之豨其子或謂之豚或謂之豨吳揚之間謂之豬子。

亦曰長喙參軍其聲嘍嘍非人便不珍

古今注曰豬一名長喙參軍漢趙岐二輔決錄曰馬氏兄弟五人共作客舍養豬賣豚故民謂之曰苑中三分鉅下二卿五門嘍嘍但聞做聲符子曰朔人獻燕昭王以大豕曰養奚若使曰豕也非大圃不居非人便不珍今年百二十矣人謂豕仙。

豹廉獸也廉而有文

豹一名程。列子曰：程生馬。古詩云：餓狼食不足，餓豹食有餘。言狼貪，豹廉。有所程度而食。埤雅曰：豹花如錢，黑而小於虎文。豹有赤白玄數種。草木鳥獸魚蟲疏曰：尾赤而文黑，謂之赤豹；毛白而文黑，謂之白豹。爾雅曰：獬，白豹。郭璞注曰：但熊小，頭痺，脚黑曰駁。山海經云：幽都之山有玄虎、玄豹。

狼貪獸也貪而有靈

說文曰：狼似犬，銳頭而白頰。埤雅云：狼青色，作聲諸竅皆沸。里語曰：狼卜食將遠逐，食必先倒立。以卜所向。故今獵師遇狼輟喜，蓋狼之所嚮，獸之所在也。其靈智若此，故古之造式者，不用槐癭棗瘤，而以狼牙爲枉，取其靈智也。

麝父剔香

爾雅曰：麝父，麝足。字林云：小鹿有香，其足似麝，故曰麝足。陶隱居云：麝夏月食蟲蛇，多至塞，則香滿。入春急痛，自以爪剔出之，著屎溺中，覆之皆有常。本草圖經曰：趙蹄公雜說云：西北之麝，噬虺而食栢，故香結。東南山海谿有松而無栢，故麝不結也。

舍利吐金

文選東京賦注云：舍利，獸名，性吐金，故名舍利。

麝性喜山

埤雅曰。麋性喜山。抱朴子曰。山中未日稱赤吏者。麋也。說文曰。麋。麋也。爾雅曰。麋牡麋牝麋。其子麋。

麋性喜澤

埤雅曰。鹿。林獸也。麋。澤獸也。又曰。麋性喜澤。博物志曰。麋掘澤草而食。其場成泥。名曰煖。民隨此煖種稻。其收百倍。爾雅曰。麋牡麋牝麋。其子麋。

麋智而安

漢書月氏注曰。麋。駝脊上若封土。然晉陸翹鄴中記曰。脊如馬鞍。博物志曰。燉煌西渡流沙。往外國千里。餘中無水時。有伏流處。人不能知。麋。駝知水脉。過其處。輒停不行。以足踏地。人於所踏處掘之。則得水。後周四夷傳曰。流沙四百里。夏日多熱風。其風欲至。唯老駝知之。即預鳴而驟之。埋其口於沙中。是謂智而安。

蝟鈍而斃

爾雅曰。彙。毛刺。邢昺疏曰。彙。即蝟也。其毛如針。埤雅曰。蝟狀似鼠。性極寧鈍。物小犯近。則毛刺攢起如矢。見鵲便仰腹受啄。其矢輟爛。淮南子曰。鵲矢中蝟。此理之不可推也。是謂鈍而斃。

貉愚而全

字林曰。貉似狸。善睡。然其營窟。與獾皆爲曲穴。以避雨暘。亦以防患。淮南子曰。獾貉爲曲穴。

狙巧而危

廣雅曰。猴一名狙。一名王孫。一名胡孫。莊子曰。吳王浮于江。登于狙之山。衆狙見之。恂然棄而走。有一狙焉。委蛇攫搔。見巧乎王。王射之。敏給搏矢。王命相者趨射之。狙死。王顧其友顏不疑曰。狙之伐巧。持其便以傲予。以至此極也。吳筠玄猿賦曰。狙伐巧而招射。

蒼兕覆舟

爾雅曰。兕似牛。說文曰。兕如野牛。青毛。其皮堅厚。可製鎧。漢王充論衡曰。太師尙父爲周司馬。將師伐紂。到孟津之上。杖鉞把旄。號其衆曰。蒼兕。水中之獸也。善覆人船。因神以化。欲令急渡。

黃熊拔木

爾雅曰。熊如熊。黃白文。郭璞注曰。長頭高脚。猛敢多力。能拔樹木。

黑犀駭鷄

爾雅曰。犀。侶豕。郭璞注曰。形侶水牛。豬頭大口。痺脚。脚有三蹄。黑色。三角。在頂額鼻上。鼻上□。食角也。劉恂嶺表錄異曰。犀有三角。一在頭上。爲兕犀。一在鼻上。爲胡帽犀。枯犀亦有二角。皆爲毛犀。而今人多傳一角之說。韓詩外傳曰。太公使南宮适至義渠。得駭雞犀。抱中有雞。欲往啄米。至輟驚卻。故南人名爲駭雞犀也。

玉面息鼠

廣雅曰。狸一種面白而似牛。故名玉而又名牛尾。人家捕畜之。鼠皆帖伏。不復出穴矣。

獨一鳴而猿絕影

感應類從譜曰。獨一叫而猿散。蓋獨猿類也。但猿而大。食猿。俗謂之獨猿。其一鳴。猿皆騰木拔林。振動倬慄而避匿之矣。

猿三鳴而人下淚

說文曰。猿。羆屬。或黃。或黑。春秋繁露。猿似猴大。黑色。長前臂。郭仲產荊州記曰。巴東三峽。猿常鳴至三聲。聞者莫不垂淚。宜都山川記曰。峽中猿至清。諸山谷傳其響。泠泠不絕。行者歌之曰。巴東三峽猿鳴悲。猿鳴三聲。汨沾衣。

烏龍喜雪

十寶搜神記曰。張然大名烏龍。埤雅曰。大喜雪。諺云。雪落狗喜。

丈人喜月

抱朴子曰。山中卯日。稱丈人者。兔也。古今注曰。兔口有缺。論衡曰。生子從口中出。埤雅曰。吐而生子。故謂之兔。春秋運斗樞曰。玉衡星散而爲兔。魏魚豢典略曰。兔者。明月之精。博物志曰。兔望月而孕。

風獸兆風

山海經曰。凡山有獸焉。其狀如歲。黃身白尾。名曰闕孺。見則天下大風。易曰。風從虎。

火獸兆火

山海經曰。鮮山有獸焉。其狀如獾。大赤喙赤口。白尾。見則其邑有火。名曰移卽。

水獸兆水

山海經曰。空桑之山。有獸焉。其狀如牛而虎文。其音如飮。名曰軫軫。見則天下大水。

旱獸兆旱

山海經曰。拒山有獸焉。其狀如豚。其音如狗吠。其名曰狸力。見則其邑多上功。

山丈求金縢

海錄雜事曰。嶺南皆有一足反踵。手足皆三。指雄曰山丈。雌曰山姑。夜扣人門。雄求金縢。雌求脂粉。

山姑求脂粉

注見上

象之膽春前左而夏前右

說文曰。象長鼻牙。南越之大獸。三歲一乳。異物志曰。象身數倍牛。而口不如豕。鼻長六七尺。大如臂。其所

食物皆以鼻取之。沈懷遠南越志曰：象牙長丈餘，脫其牙，則深藏之，削木代之，可得。圖經曰：象有十二種肉，配十二辰屬。惟鼻是其肉，又膽不附肝，隨月在諸肉間，淳化中，上苑一馴象斃，太宗命取膽，不獲，使問徐鉉，鉉曰：當在前左足，既而剖足，果得。又問其故，鉉曰：象膽隨四時，今其斃在春，故知在是也。

貓之睛午則豎而暮則圓

酉陽雜俎曰：貓目睛旦暮圓，及午豎斂如線，其鼻端嘗冷，唯夏至一日煖，一名蒙貴，一名烏圓。

在子其鳴也在子

酉陽雜俎曰：在子者，鼈身人首，炙之以薑，則鳴曰：在子。

孟極其鳴曰孟極

山海經曰：石者之山有獸焉，其狀如豹，而文題白身，名曰孟極，是善伏，其名自呼。

窮奇之音獬狗

山海經曰：邽山其上有獸焉，其狀如牛，蝟毛，名曰窮奇，其音如獬狗。

諸懷之音鳴鴈

山海經曰：北嶽之山有獸焉，其狀如牛而四角，人目，麋耳，其名曰諸懷，音如鳴鴈。

辣辣一目

山海經曰。秦戲之山有獸焉。其狀如羊。一角一目。日在耳後。其名曰獫狁。

從從六足

山海經曰。枸狀之山有獸焉。其狀如犬。六足。其名曰從從。

壓則比肩

爾雅曰。西方有比肩獸焉。與叩叩。距虛比爲叩叩。虛齧甘草。卽有難。叩叩。距虛負而走。其名曰壓。呂覽曰。壓鼠前而兔後。趨則頭走則顛。

獫則無口

山海經曰。洵山有獸焉。其狀如羊而無口。不可殺也。其名曰獫。郭璞注曰。稟氣自然。

風狸長眉

酉陽雜俎曰。南山有獸名風狸。如狙。眉長好。羞見人。輒低頭。無人至。乃於草中尋摸。忽得一草莖。折之。長尺許。窺樹上有鳴集。指之。隨指而墮。因取而食之。

足訾文臂

山海經曰。蔓聯之山有獸焉。狀其禺而有鬣。牛尾。文臂。馬蹄。見人則鳴。名曰足訾。

驢父馬母曰羸

崔豹古今注曰。驢爲牡。馬爲牝。則生羸。

馬父驢母曰馱驢。

說文曰。馱驢。馬父驢母也。

山都見人則走。

異物志曰。廬陵太山之間。有山都。偁人。裸身。見人便走。自有男女。長四五尺。

狢狢見人則眠。

山海經曰。餘義之山有獸焉。其狀如菟而鳥喙。蛇尾。見人則眠。名曰狢狢。郭璞傳云。狢死也。

遇畏則畏。

獸各遇其所畏則畏。如羆畏虎。畏熊之類。

遇食則食。

獸各遇其所食則食之。如豹食豺。豺食蝟之類。

有所制有所醉。

如謂制虎。貓食薄荷則醉。虎食狗則醉之類。

無角者膏。有角者脂。肉食者悍。草食者愚。

酉陽雜俎曰。草食者多力愚。如牛馬之屬。食肉者勇敢而悍。如虎狼之屬。

萃三曰羣偶二曰友

小雅日篇曰。或羣或友。周語曰。獸三爲羣。故二曰友。友親於羣。在數宜少。

生子曰產。齧草曰薦。

說文曰。人及鳥生子曰乳。獸曰產。獸之所食草爲薦。古者神人以薦獸。遺黃帝。帝曰。何食何處。曰。食薦。

土處曰穴。木處曰寓。

穴處如熊類。爾雅釋獸以關洩以上爲寓。屬邢昺爾雅疏曰。寓奇也。言此上獸屬多寄寓木上。故題云寓屬。

色隨五行

蒼龍之屬木行。赤豹之屬火行。黃熊之屬土行。白虎之屬金。黑豬之屬水行。

毛應四氣

春則毛盛。夏則毛希。少而革易。秋則更生而整理。冬則生而毛細。毛以自溫焉。

或變化或各歷年歲

如熊五百歲。能化爲狐狸。兔五百歲。色變白。狼三百歲。善變人形之類。

異種殊形同歸地理

獸之種類不齊。形狀各殊。然獸皆行地之物。周易曰。牝焉地類。



記馬生衣蠶

輯章子郭

本館據寶顏堂祕
笈本排印初編各
叢書僅有此本

馬記序

韓退之曰。千里馬常有。伯樂不常有。予不謂然。馬之千里。人之聖也。攬轡舒節。凌雲光螭。歷塊過都。瞬息八極者。千里馬也。智籠二儀。才擅萬物。見本知末。觀指覩歸者。聖人也。如曰。千里馬常有。伯樂不常有。是云聖人常有。識聖人者不常有也。千里一士。百世一聖。聖人果常有乎。知聖人則知馬矣。周穆王時。天子主車。則造父爲御。太丙爲右。栢天主車。則參伯爲御。奔戎爲右。僅得八駿。東漢之末。善相馬者有西河子輿。子輿傳西河儀長孺。長孺傳茂陵丁君都。君都傳成紀楊子阿。子阿傳馬伏波文淵。然有鼓銅鑄馬。未覩實驥。由是言之。伯樂千里馬。孰爲常有。子曰。不患人之不己知。患其不能也。夫馬何患伯樂之不知哉。患不千里耳。於是采古今名馬爲記二卷。上卷自伏羲至我國朝帝王公侯所馭者。得一百六十條。下卷據傳記載者。得四十條。泰和郭子章記。

蟻衣生馬記

泰和郭子章 輯

馬記上

龍馬澤馬吉良朱髦

伏羲時龍馬負圖出河。遂則其文以畫八卦。瑞應圖曰：龍馬仁馬。河水之精也。高八尺五寸。長頸。體上有翼。旁垂毛。鳴聲九音。有明主則見。一本曰：王者不誅馬。則龍馬乘黃。澤馬朱髦並集。澤馬一曰吉良。山海經曰：大封國有文馬。縞身朱髦。名曰吉良。乘之壽千歲。神異記：西海有白馬朱髦。河伯使者乘之如飛。所至之國。雨水滂沱。

飛黃乘黃

淮南子曰：黃帝治天下。飛黃服皂。高誘曰：飛黃如狐。背上有角。日行萬里。乘之壽三千歲。韓愈曰：飛黃騰踏去。不能顧蟾蜍。應劭曰：乘黃龍翼馬身。黃帝乘之而仙。瑞應圖曰：乘黃者王者輿服有度則出。司馬相如封禪文招翠黃。乘龍於招注。翠黃乘黃也。漢書禮樂志：紫黃何其不狹下。紫黃卽翠黃也。呂氏春秋曰：乘雅作駕。寒衰作御。

唐龍

尚書中候曰。堯時龍馬銜甲赤文綠。臨壇上甲似龜。廣袤九尺。圓理平。上五色文。有列星之分。斗政之度。帝王興亡之數。

虞乘黃

漢禮樂志。舜時景星出。房地出乘黃之馬。

神馬騰黃吉光驤褭飛兔駃騠

孝經援神契曰。德至山林則澤出神馬。瑞應圖曰。騰黃者神馬也。其色黃。王者德御四方則至。一名吉光。乘之壽三千歲。此馬無死時。驤褭與飛兔同。以明君有德則至。飛兔日行三萬里。禹治水土勤勞。天應其德至。駃騠者后土之獸也。自能言語。王者仁孝於民則出。禹治水有功。至。漢書音義曰。驤褭神馬也。赤喙黑身。宋志曰。漢元和中騰黃見邵國。

方澤

隨巢子云。夏后氏興。方澤馬出。

九代雨龍

山海經曰。大樂之野。夏后啓於此。舞九代馬。乘雨龍。文選。王元長序。夏后雨龍。載驅璿臺之上。注曰。夏后啓有馬號爲雨龍。乘游璿臺。以饗諸侯。

驤翰駃騠駃騠

記曰夏戎事乘騶般乘翰周乘騶夏駱馬黑鬣般白馬黑首周黃馬蕃鬣疏曰魯有三代之馬騶騶馬而白腹者也武王伐紂用之詩曰牧野洋洋檀車煌煌騶騶彭彭蓋武王常以是勝紂赤色黑鬣騶馬白腹騶

青龍遺風

伊尹說湯曰青龍之匹遺風之乘

野馬駒駮駮

汲冢書曰伊尹爲四正令正北請令以野馬駒駮駮爲獻爾雅曰野馬如馬而小出塞外山海經曰北海內有獸狀如馬名駒駮色青故馬之良者取以爲名說文曰駮駮馬父驢母也故傳稱駮駮生三日而超其母桑御史言武帝平伯越以爲囹圄駒駮駮實於外廄

雞目

尚書大傳曰散宜生之犬戎氏取美馬駒身朱髦雞目者取九六焉陳於紂之庭紂出見之還而觀之曰此何人也散宜生遂趨而進曰五蕃之臣昌之使者

駒虞雞斯

淮南子散宜生得駒虞雞斯之乘○駒虞馬之似駒虞者

吉黃

周書曰。犬戎之馬赤鬣白身。目若黃金。名曰𩇑。吉黃之乘。成王時來獻。或曰文王時獻之。

宗馬

晉輿服志。成王之會。壇垂陰羽。五方之盛。有貢八十物。宗馬烏旌。奚往不格。

雖馬

汲冢周書王會解。俞人雖馬。注。俞。東北夷。雖馬。𩇑如馬一角。

八駿

拾遺記曰。周穆王馭八龍之駿。一名絕地。足不踐土。二名翻羽。行越飛禽。三名奔宵。夜行萬里。四名越影。逐日而行。五名踰輝。毛色炳耀。六名超光。一形十影。七名騰霧。乘雲而奔。八名挾翼。身有肉翅。遞而駕焉。按轡徐行。以匝天地之域。穆天子傳。天子命駕八駿之乘。右服繡騮。而左騄駼。右驂赤𩇑。而左白𩇑。天子主車。造父爲御。𩇑𩇑爲右。次車之乘。右服渠黃。而左輸輪。右駿盜驪。而左山子。栢天主車。參伯爲御。奔戎爲右。至于黃澤。官樂謠曰。黃之池。其馬歟沙。皇人威儀。皇之澤。其馬歟玉。皇人壽穀。○繡音華。𩇑音驥。渠音義。𩇑音泰。𩇑音丙。

驊騮綠耳盜驪騏驎纖離

水經注。湖水出桃林塞之夸父山。其中多野馬。造父于此得驊騮綠耳盜驪騏驎。乘以獻周穆王。使之馭。以見西王母。荀子曰。驊騮騏驎纖離綠耳。古之良馬也。魏文帝以纖離馬遺吳。○騏驎馬文如博基。

駮

爾雅曰駮白駮。徐鉉曰：疑象駮文。晉侯乘駮，乳虎見之而服，則象駮之文理或然也。駮亦馬之上色，故古者國君乘之。詩所謂隰有六駮者，字从交，作字說曰：駮類馬食虎，而虎食馬，凡類己也，而能除害己者在所交也，則駮非此駮也。

小駮六駮

左傳：晉乘小駮，鄭入也。慶鄭曰：今鄭異產，以從戎事，及懼而變，將與人易亂。外強內乾，進退不能，周旋不能。又晉程鄭爲乘馬御，六駮屬焉，使訓羣驪知禮。

驪驪

左傳：唐成公有兩驪驪馬，一云肅霜馬，色如霜紈。

文馬

左傳：宋人以文馬百駮贖華元於鄭。

朱鬣

左傳：宋公子地有白馬四，公嬖向魋，魋欲之，公知其尾鬣以。

啓服

左傳：衛侯來獻其乘馬，曰啓服。

騏驎驪

秦風小戎文茵暢轂。駕我騏驎。四牡孔阜。六轡在手。騏驎是中。驪驪是騶。伐驪孔羣。公矛鋌錚。黃馬黑喙。曰驪。今之淺黃色馬也。宋明帝以驪字旁似禍。故作驪。史稱文帝驪馬脊有肉鞍。行則先作弄四足。

代馬

史記蘇秦傳。燕車六百乘。騎六千匹。趙車千乘。騎萬匹。魏車六百乘。騎五千匹。楚車千乘。騎萬匹。秦北有代馬。戰國策蘇厲說趙曰。代馬胡駒。

疇騎

韓非子曰。秦穆公起卒革車五百乘。疇騎二千。步卒五百萬。輔重耳入於晉。○疇等也。言齊等。

沙丘

伯樂對秦穆公曰。臣有所與九方皋。其於馬非臣之比也。穆公見之。使行求馬。三月而反。報曰。已得之矣。在沙丘。牝而黃。公使人往取之。牡而驪。公召伯樂曰。子之所使求馬者。色物牝牡。尙弗能知。又何馬之能知也。伯樂曰。若皋之所觀天機也。得其精。忘其粗。在其內而忘其外。馬至。果天下之馬也。

秦七馬

古今注曰。秦始皇有七名馬。一曰追風。二曰白兔。三曰躡景。四曰追電。五曰飛翮。六曰銅爵。七曰晨鳧。

秦異

搜神記。昔秦人築武州城。將成而崩者數焉。忽有馬馳走。周旋反覆。人異之。依以築成。遂名馬邑。

生角

游歷記。燕太子丹質於秦。求歸。秦曰。待烏頭白馬生角乃歸。太子仰天哭。感烏頭白馬生角。王大驚遣歸。

楚騅

史記。項王駿馬名騅。常騎日行千里。及敗至烏江。謂亭長曰。吾騎此馬五歲。所當無敵。不忍殺。以賜公。

梟騎

帝紀。高祖五年。漢北燕人來致梟騎助漢。

九逸

西京雜記。漢文帝自代還。有良馬九匹。皆天下駿足也。名曰。浮雲。赤電。絕羣。逸驃。紫燕。騄騷。龍子。騏驎。絕塵。號九逸。有來宜能御選注。紫燕騄騷一名飛燕騄騷。

漢千里

賈捐之傳。孝文時有獻千里馬者。詔曰。朕乘馬獨先安之。還馬與道里費。詔曰。朕不受獻也。令四方毋獻。建武十三年。異國有獻名馬者。日行千里。

烏孫天西極汗血

張騫傳。元狩中得烏孫馬好。名曰天馬。及得宛汗血馬益壯。更名烏孫馬曰西極馬。宛馬曰天馬。應劭曰。

大宛舊有天馬。蹋石汗從馬前肩轉出如血。一日千里。武紀太初四年。貳師將軍李廣利斬大宛王首。獲汗血馬來。作西極天馬之歌。

宛天

宛王蟬封與漢約。歲獻天馬二匹。孟康曰。言大宛國有高山。其上有馬不可得。因取五色母馬置其下。與集生駒皆汗血。因號天馬云。

漢余吾水渥洼水

武紀元狩二年夏。馬生余吾水中。在朔方北。元鼎四年秋。馬生渥洼水中。注南陽新野有暴利長。當武帝時遭刑。屯田敦煌。鳳數於此水旁。見羣野馬中有奇者。與凡馬異。來飲此水。利長先作土人持勒絆於水旁。後馬既玩習之。遂持勒絆收得其馬獻之。欲神異此馬。云從水中出。

簫稍

神異經。大宛有良馬。鬣至膝尾垂於地。名曰簫稍。謂尾之長者。簫稍然搖動。可起朔風。

騶駒

郊祀志。往用騶駒。師古曰。騶赤馬。黑鬣尾也。

龍友龍媒龍秋籀雲

漢書禮樂志。龍爲友。師古曰。唯龍可爲之友耳。又曰。天馬來龍之媒。應邵曰。言天馬者。乃神龍之類。今天

馬已來。此龍必至之效也。又曰。飛龍秋。蘇林曰。秋飛貌也。師古曰。莊子有秋駕之法者。亦言駕馬騰驤秋然也。又曰。籟浮雲。蘇林曰。籟音蹠。言天馬上蹠浮雲也。

驪

食貨志。自天子不能具驪。師古曰。驪不雜也。驪一作均。

昆驪

漢百官表。昆驪令丞。應劭曰。昆驪好馬名也。爾雅曰。騊駼。善陸。注。山形似飯。上大下小。騊駼蹄如跖而健上山。秦時有騊蹄苑。甌音銑。

游騊

子虛賦。射游騊。張揖曰。騊如馬一角。不角者曰騊。毛詩傳曰。青黑曰騊。騊蒼艾色。一曰馬青驪文如博棊也。

象龍

馮奉世傳。宣帝時至大宛。得名馬象龍而還。師古曰。言馬形似龍者。

步景

洞冥記曰。東方朔遊吉雲之地。得神馬高九尺。股有旋毛如日月之狀。如月者夜光。如日者晝光。毛色隨四時之變。西王母稅此于芝田。因食芝田之草。東王公棄之清津。因騎而返。繞日三匝入漢關。馬上睡眠。

不覺而至。名步景。

齧鄴

王褒傳。駕齧鄴。孟康曰。良馬低頭口至鄴。故曰齧鄴。

鮑氏驄

漢鮑宣與子永孫昱俱爲司隸。皆乘驄馬。歌曰。鮑氏驄。三入司隸。再入公。

驪奚

前匈奴傳。其奇畜則橐佗驪奚。韻府曰。駒駼驪奚皆良馬也。驪音顛。

小步

西域傳。西域小步馬。孟康曰。種小能步也。師古曰。小細也。細步言其能蹠足。卽今所謂百步千跡也。豈謂其小種乎。

黃門四駿

西域贊蒲稍龍文魚目汗血之馬。克於黃門注。孟康曰。四駿馬名。

大驪

光武以所乘大驪賜孝忠。

中盧

後郡國志南郡中盧良馬注襄陽耆舊傳曰縣西山中有一道漢時常有數百匹馬出其中馬形皆小似巴滇馬。

桓驄

後漢桓典爲御史是時宦者執政典無所迴避常乘驄馬京師畏憚爲之詩曰行行且止避驄馬御史。

游龍

後漢書明德馬后過躍龍門上見外家起居者車如流水馬如游龍。

穢國果下

魏志曰穢國出果下馬漢時獻之高三尺。

赤兔

曹操傳呂布有駿馬名赤兔常騎乘之時人爲之語曰人中有呂布馬中有赤兔。

月題的額白顛的盧白駒

皆白顛馬也韻注月題當顛如月形者莊子曰齊之以月題易曰其於馬也爲的額詩曰有車鄰鄰有馬白顛一也俗曰戴星馬也馬政論曰額上有白毛謂之的盧又曰準上有旋毛及白毛者謂之的吻俗云的盧非也劉備避樊城之難過檀溪謂所乘馬的盧曰今日急不可不努力馬達備意一躍三丈又庾亮所乘馬名的盧殷浩以爲不利主勸市之亮曰豈有己之不利移之人者詩曰皎皎白駒在彼空谷。

絕影

後漢書曹公所乘馬名絕影。

白鶴

拾遺記曹洪與魏武所乘之馬名曰白鶴。時人諺曰：憑空虛躍。曹家白鶴。

絕足

魏志文帝與孫權書曰：國雖饒馬，其知名絕足亦時有耳。

紫驊

魏志陳思王表文帝曰：臣於武皇帝世得大宛紫驊馬一匹，教令習拜。

驚帆

古今注曰：曹真有馱馬名驚帆，言其馳驟烈風舉帆之疾也。古驪字從馬從風，真之名馬亦有義焉。

大宛馬

晉武帝泰始六年九月，大宛獻汗血馬。

神馬

晉孝武帝太元十四年，寧州刺史費統言：晉寧郡滇池縣兩神馬，一黑一白，盤戲河水之上。水經注：滇池中神馬，家馬交之則生駿駒，日行五百里。典略曰：神馬，河水之精。

揚武

晉安帝紀司馬休奔廣所乘驪馬奔而馳之後還荊州加驪馬揚武之號

巴驥

竹林七賢論曰王戎好乘巴驥馬雖爲總三司率爾私行

元馬

華陽國志會無縣有元馬河元馬日行千里死於蜀今元馬冢是也縣有元馬祠家人牧山下或產駿駒元馬子也

滇池神馬

華陽國志曰神馬四匹出滇池河中又南蠻傳唐元和中王造爲益州太守政化尤異有神馬四匹出滇池中

支遁神駿

世說曰支遁字道林常養馬人有譏之答曰愛其神駿聊復畜耳故唐人詩曰櫪嘶支遁馬同養右軍爲

千里駒

晉載記苻堅遣使西域於是大宛獻千里馬皆汗血朱鬣五色鳳膺鱗身堅命羣臣作止馬詩而遣之高麗獻千里馬一又兖州獻千里馬一半鬣去地九尺

督驛

晉王濟有馬與叔王湛乘之馬姿容既妙回策如縈湛曰此馬雖快力薄不堪遠行近見督驛常騰平路無以別當蟻封內試之濟馬果躡而督驛馬如常濟益歎其異

赭白

載記慕容廆有駿馬曰赭白有奇相逸力雋比之於鮑氏驄命銅鑄以圖其象親爲銘贊鐫勒其旁置之薊城東掖門

天騏龍麟一丹髦

崔鴻春秋驍騎將軍呂光討西域人曰惟龜茲據三十六國之中天騏龍麟腰襲丹髦萬計盈廐

赤蛇

靈鬼志陳安爲河間王顥給使常乘一駿馬非常後馬死雙赤蛇出其鼻

上黨澤馬

宋志魏王初中上黨得澤馬

乘輿赭白

文選宋元嘉二十二年上有乘輿赭白馬顏延之作賦寶駁星纏鏤章霞布歛聳擢以鴻驚時濩略而龍
竄

大明舞馬

宋書曰。宋大明五年。吐谷渾拾寅遣使獻舞馬。謝莊賦曰。舞大馭於國皂。貢上襄於帝間。雙壁應範。二封中圓。

牛駿

宋書曰。何偃乘在前。劉瑀居後。瑀謂偃曰。君轡何疾。曰。牛駿馭精故疾。

龍驤

齊書。齊太祖常乘所騎赤馬入殿。及踐祚。號此馬爲龍驤將軍。

赤馬駒

梁武帝天監四年。禊飲華光殿。河南國獻赤龍駒。能拜伏善舞。詔張率。周興嗣爲賦。帝以爲工。

馬寶

文苑英華。梁簡文馬寶頌。詔示羣臣。其文曰。鸞盼善鳴。龍儀美稱。

黃驄

魏志。周裴果從軍征討。乘黃驄馬。衣青袍。每先登陷陳。時人謂之黃驄年少。

閃電

魏志。突厥大畏長孫總管。見其馬稱爲閃電。王曰。將軍威行域外。遂名其馬爲閃電。一何壯哉。

虎豹騎

魏志賈純所督虎豹騎皆天下驍銳正韻驍良馬武猛也又健也

青海驄

隋書吐谷渾有青海中有小山其俗至冬輒放牝馬於其上言其龍種嘗得波斯草馬放入海因生驄駒日行千里故世稱青海驄

師子驄

朝野僉載隋文帝時大宛獻千里馬其驥曳地號曰師子驄惟郎將裴仁基能馭之朝發西京暮至東洛隋後不知所在

七百里馬

唐史北齊平秦王有七百里馬爾朱榮以好婢換取之

忽雷駝

唐秦叔寶所乘馬號忽雷駝常飲於酒每於月中試能誓越三領里氈及胡公卒嘶鳴不食而死

行雨青驄

李靖射獵山中宿一朱衣家夜半扣門急一婦人謂靖曰此龍宮也天符命行雨二子皆不在欲奉煩命取青驄馬一水瓶戒曰馬蹏地嘶鳴取水一滴馬蹏上此一滴乃地三尺慎勿多也既而雷裂雲開下三

十餘滴。夜半水平地三尺。

武德驃耳

武德元年十二月乙亥。豐州總管張長懸獻驃耳馬二匹。

康國名馬

玉海。武德七年。康國王屈木支獻名馬。注爲大宛馬種。形容極大。會要。武德中。康國獻四千匹。今官馬猶是其種。

甘州異馬

玉海。貞觀二年。甘州獻白馬朱鬣。

十驥

唐書。骨利幹遣使獻良馬十四。唐太宗爲之制名。號爲十驥。一曰騰霜白。二曰皎雪驄。三曰凝露驄。四曰懸光驄。五曰決波驄。六曰飛霞驄。七曰發電赤。八曰流星驄。九曰翔麟紫。十曰奔虹赤。乃序其事曰。噴沫則千里非紅。流汗則三條振血。塵不及起。影不及生。回鶻傳。骨利幹處海北。近日出處也。

飛騎

姜行本傳。唐太宗選驍才。乘六閑馬。號飛騎。

昭陵六馬

太宗平寶建德諸人及東都所乘六馬曰青騅曰什伐赤曰特勒驃曰颯露赤曰拳毛騧曰白蹄烏乃琢石爲象并贊刻昭陵金石錄有唐昭陵六馬贊歐陽詢書殷仲容書降王名蘇東坡詩維時六驥足續與英衛陪功成鏘八鸞玉輅行天街荒涼昭陽闕古石埋蒼苔

決波駟

酉陽雜俎曰決波書走歷門三限不躓太宗尤惜之隋內庫有交臂玉猿二臂相貫如連環特表其轡

拳毛騧師子花

唐太宗有拳毛騧杜甫觀曹將軍畫馬圖曰昔日太宗拳毛騧近時郭家師子花今之新圖有二馬復令識者久嘆嗟

獅子驄

唐太宗有駿馬名獅子驄極猛悍太宗親控御之不能馴則天時在側曰惟妾能制之太宗問其術曰始則箠以鐵鞭不服則擊以鐵撾又不服則以匕首斷其喉爾

黃驄驃

樂志唐太宗破寶建德乘馬名黃驄驃命樂工製黃驄疊曲宮商也

波斯馬

吐谷渾傳得波斯馬牧於海生驄駒日步千里

蹀馬

通典唐翔麟鳳苑蹀馬。俯仰騰躍皆合節。朝會用樂。則兼奏之。

吐谷渾駿

永徽二年閏八月吐谷渾獻駿馬。命還之。

玉面花驄

異聞錄唐寧王善畫馬。花萼樓壁上有六馬滾塵圖。明王最愛玉面花驄。風驤雲鬣。纖悉備具。後失去。止存五馬。

河龍天駒

唐史開元皇帝既登大寶。水瑞感而河龍出。星精應而天駒下。

涼州異馬

玉海開元二年涼州進朱驥尾白馬。

太原異馬滑州龍子

唐開元十二年太原獻異馬駒。其耳如筒。左右各十六肋肉。尾無毛。二十九年滑州刺史李邕獻馬一匹。肉髮麟腮。嘶不類馬聲。日行三百里。名曰龍子。

開元果下馬

開元十二年新羅獻果下馬二

紅玉紫玉平山凌雲飛香百花輦

天寶中大宛進汗血馬六匹紅紫青黃丁香桃花叱撥上乃改名紅玉紫玉平山凌雲飛香百花輦命圖於瑤光殿

龍支馬

天寶中皇甫惟明奏龍支縣人庫狄孝義有馬生龍駒身有鱗而不生毛時有慶雲五色覆馬上久而不散

唐舞馬

明皇雜錄曰玄宗教舞馬四百蹄分爲左右部有名稱曰某家驕其曲曰傾杯樂數十馬皆衣以錦繡絡以金鐸每樂作奮首鼓尾縱橫應節

赤驪

岑參赤驪歌曰君家紫驪畫不得一圍俗風桃花色紅纓紫鞍珊瑚鞭玉鞍錦籠黃金勒

靈昌異馬

明皇時靈昌郡得異馬於河帝西幸入渭水化爲龍泳去柳宗元圖注龍麟虺尾拳毛環目肉鬣居帝閑二十年

小領遠志

六曲張說爲隴右郡牧使頌序別其種類則妍蹄繁鬣小領遠志龍駮戎驥

九花蚪

伽藍記代宗時李懷仙貢名馬額高九尺毛拳如鱗身被九花故號九花蚪帝以賜郭子儀曰此馬高大稱卿儀質并紫玉鞭轡賜之

九馬毛龍

蘇子瞻曰薛紹彭家九馬圖曹將軍霸所繪杜甫作詩拳毛師子二駿在焉贊曰姚宋廟堂李郭兵治帝下毛龍以馭羣英

良馬

藝文志商州刺史呂述黠戛斯朝貢圖傳李德裕序曰中寓旣安四夷來庭龍荒君長遣使獻良馬二匹絕大漠而貢赤城涉流沙而霑赭汗

照夜白

杜甫畫馬圖歌曾觀先帝照夜白龍池十日飛霹靂

天育驃騎

杜甫天育驃騎圖歌伊昔太僕張景順景牧攻駒閱清峻遂令大奴守天育別養驥子憐神俊

胡騶

出鄂縣杜甫歌自矜胡騶奇絕代。乘出千人萬人愛。

龍文

杜甫畫馬贊云。韓幹畫馬。毫端有神。驊騮老大。腰褭清新。魚目瘦腦。龍文長身。雪垂白肉。風蹙闌筋。

寧遠馬

續博物志。千里馬寧遠所獻。髮拳紫色。狀如八駿。乘者必衣裘冒絮。似胡兒抱持。初馳三十里。則皆旁側難馴。又馭三十里外。乃駛然而去。唯聞耳旁風聲如飛箭。唐肅宗時。令李泌乘之。往按保定。早發扶風。辰達保定。申歸奏事。

統倫馬

唐貞元中南紹獻。

駛足

唐劉宴募駛足置驛。欲知四方貨殖低昂。

駱馬

東坡詩注。白樂天去位。錄家事無長物。有駱馬籍在長物中。

三花鬃馬

白樂天詩馬鬣剪三花。詩話唐御馬皆剪鬣三花。又有剪鬣五花者。

玉花驄

萬花谷玉花驄。唐德宗馬名。杜甫詩先帝天馬玉花驄。畫工如山貌不同。

望雲驄

國史補曰。德宗幸梁。唯御驄馬。號曰望雲驄。駕還飼以一品料。暇日牽而視之。必常鳴四顧。若感恩之狀。後老死。飛龍廐中。貴戚畫爲圖。

吐珠馬

五行志。太和九年。易定馬飲水。因吐珠一以獻。

健馬

杜牧傳。山東產健馬。下者日馳二百里。所以兵常當天下。

飛電流雲

宋蘇軾題申生畫馬圖。當時不獨玉花驄。飛電流雲絕灑灑。

岳湛

蘇軾題韓幹畫馬圖。赭白紫駟俱絕比。馬宋岳湛有妍姿。

如意駟神智駿

杜陽雜篇唐德宗二馬曰如意騮曰神智駿耳中有毛引之一尺又謂之二絕舍人韓翃詩曰晚日苑間散碧蹄金鞭欲下不成嘶咏此二馬

橐駝馬

回鶻傳骨利罕處海北地產良馬似橐駝筋絡壯大日馳數千里

津梁種

李萬江于潞州牧津梁寺地美水草馬健如鴨世號津梁種

黑馬

五代史黑訖支部地多黑馬善走其登山逐獸下上飛歲獻以爲常

白額駒

郭讐謂李暈曰君終當有國家有驕馬生白額此其時也後果生白額駒暈稱西涼公

黃騮

五代史漢王劉旻與周世宗戰北乘黃騮馳歸以金銀飾旆食以三品號自在將軍

叱撥綠宗騮

宋志凡馬羣號十七左右字至退字毛物九十一種叱撥青白紫純色及綠宗騮爲上

龍駒

祥符九年大名監產赤馬肉尾無鬣是龍駒。

玉逍遙

聞見錄仁宗御馬名玉逍遙色白乘之如輿輦也。圉人云馬行步有尺度疾徐皆中節御者行速則以足欄之一日燕王借乘卽常鳴不行王怒還之帝以配南城馬鋪久之復御其行如初帝升遐從葬至陵下悲鳴不食而死。

碧雲駮

聞見錄梅聖俞序曰碧雲駮者廐馬也莊憲太后臨朝以賜荆王王惡其旋毛太后知之曰旋毛能害人耶吾不信留以備上閑遂爲御馬第一以其吻肉色碧如霞片故號之。

元祐三馬

宋元祐初禽鬼章青宜結百官皆賀時西域貢馬首高八尺龍顙而鳳膺虎脊而豹章出東華門入天駟監振鬣常鳴萬馬皆瘖父老從觀以爲未始見也蘇軾請於李公麟畫三駿馬之狀而使鬼章青宜結效之爲贊曰八尺神龍超遙若將西燕昆瑤帝念民乃下招籥歸雲逝房妖三馬者西域黃馬羌溫溪心良馬西番駿馬。

肉驥馬

宋蘇軾云見秦州進馬項下重胡倒毛生肉端此肉驥也杜有詩肉驥礧礧連錢動。

于闐花驄西河驄

黃山谷詩于闐花驄龍八尺。看雲不受絡頭絲。西河驄作蒲萄錦。雙瞳夾鏡耳卓錫。

西蕃汗血馬

蔣之奇爲熙河帥。西蕃有貢駿馬汗血者。有司以非貢歲月留其馬于邊。

好頭赤

蘇軾題李伯時畫御馬好頭赤歌。豈如廐馬好頭赤。立仗歸來臥斜日。

出格馬

紹興七年五月。廣右進出格馬十匹。上留其一。餘付殿前司。上曰。馬之良者不必西北。

義驄

程史。宋開禧間。九江戍校王成見病驄收秣之。峒寇李元礪犯龍泉。成出戰死。驄屹立不去。悲鳴成側。寇顧曰。良馬取獻之。元礪弟乘犯永新。驄識我軍旗幟馳歸。元弟就禽。驄病傷不秣。

小驄

程史。金主亮小驄名小將軍。常所御。亮忽夜夢騎應上帝召行。覺雲霧勃鬱起。馬蹄間下如海濤洶湧。旣而見寤。遣內侍至廐視小將軍喘汗雨浹。

六蹄

方洲雜錄西域馬段九成所記松雪翁所圖六蹄此類也。

飛越峯

一統志貴州養龍坑有靈物藏其下。當春初夷人立柳坑畔。擇牝馬繫之。已而雲霧晦冥。類有物與接。其產必龍駒。洪武四年于此獲正白色馬爲獻。首高九尺。長丈餘。不可控馭。詔典牧者囊沙使負行苑中。乃馴。時行夕月禮於清涼山。乘之如躡雲。一塵不動。賜名飛越峯。且命繪形藏焉。學士宋濂爲贊。

龍馬

明永樂庚子冬十月山東諸城縣民崔友諒以龍馬來獻。其色青蒼。肉驥隱起。背有奇文。交互錯綜。若龍鱗然。赤鬣肉尾。鱗臆鳳膺。敷腴潤澤。狀甚奇異。詢諸其民云。所居之地有瀕潭。海深不可測。時有神物蜿蜒雲霧之中。隱見潭上。家有牝馬。恆牧于茲。忽一夕風雲驟作。遂產此馬。若有神異。攜呵光彩。照耀上燭霄漢。遠邇嗟異。咸曰此龍馬也。宜聞于朝。以彰天庥。爲千萬世太平之光。

西域馬

方洲雜錄先朝西域貢馬。高九尺。頸與身等。昂舉若鳳。景泰末西域進白馬。高如之。頸亦類焉。後足脛節間有二距。毛中隱若鱗甲。天順中復見之。御馬監坊河道上。俱不受羈轡。不知日行幾何也。

馬記下

蒼龍赤騮白駱鐵驪

禮曰春駕蒼龍夏駕赤駟秋駕白駟冬駕鐵驪爾雅翼曰駟赤馬黑鬣明堂月令五時駕馬而駟處其二春蒼龍秋白駟冬鐵驪夏用赤駟中央用黃驪中央寓于季夏故所用物同而以色之淺深爲之別也爾雅曰白馬黑鬣駟禮記曰夏后氏駟馬黑鬣廣雅曰白馬朱鬣駟今呼黃馬尾一道通黑如界者爲駟蓋馬無分于黃白皆謂之駟說文曰馬深黑色驪馬赤黑色鐵先儒云取其馬色如鐵非特有取于色蓋亦取其堅壯如鐵故曰鐵魏書曹公列鐵騎五千爲十重障

南海駿

禮斗威儀曰君乘火而王者其政頌平則南海輸以駿馬

國馬田馬

考工記曰國馬之軻深四尺有七寸田馬之軻深四尺鄭云國馬高八尺衡高八尺有七寸除馬之高則餘七寸爲衡頸之間也田馬高七尺衡高七尺有七寸除馬之高則餘七寸爲衡頸之間也

駮

爾雅曰馬八尺爲駮駮卽戎馬故其字指事而戎事齊力尙強故爾雅又曰絕有力駮也校人云種馬一物駮馬一物戎卽駮馬也種馬卽龍馬也史言良馬謂之龍種蓋出于此

駮駮

爾雅曰枝蹄跂善甌陸駮駮亦言馬而牛蹄

惟驛驛首驪翮。啓踦驤。驛驛驛驛驛惟驪。

爾雅。膝上皆白。惟驛。四骹皆白。驪。骹膝下也。四驪皆白。首俗呼爲踏雪馬。前足皆白。驪。後足皆白。翮。前右足白。啓。左傳曰。啓服也。左白。踦。前左脚白。後右足白。驤。左白。驛。後左脚白也。易曰。震爲驛。足。驪。馬白。跨。驪。黑色。跨。髀間白。州。驪。州。竅尾本白。驤。尾林白。尾白。驤。俱尾毛白。達。素。縣。素。鼻莖也。俗所謂漫體。徹齒面。頰皆白。惟驪。上驛音恕。下驛音住。驛音情。驪音奚。翮音渠。踦音欺。驤音狼。驛音晏。驪音忙。

鵠駟駟駟駟

爾雅曰。驪白雜毛。鵠。今之花驄也。詩曰。乘乘馬。乘乘黃。乘乘鵠。黃白雜毛。駟。今之桃華馬。陰白雜毛。駟。陰淺黑。今之泥驄。詩曰。我馬維駟。蒼白雜毛。駟。詩曰。有駟有駟。彤白雜毛。駟。卽今之赭白馬。彤赤。

駟

白馬黑唇駟。

駟魚

一目曰鰓。二目曰魚。似魚目也。詩曰。有鰓有魚。

六駟玆白

爾雅翼曰。六駟如馬。白身黑尾一角。鋸牙虎爪。其音如鼓。喜食虎豹。蓋駟毛物既可觀。又似馬。故馬之色相類者以駟名之。子虛賦曰。楚王乃駕馴駟之駟。西京賦曰。六駟駿甚。吳都賦曰。驀六駟駕乘也。驀上馬。

之名也。一名玃白。周書王會篇曰：正北方義渠以玃白。玃白者，若白馬，鋸牙食虎豹，卽此物也。古之名馬有曰六駮者，曰騶虞者，曰騰黃者，曰飛兔者，曰麒麟者。六駮者，必其白身黑尾，如獸之六駮者也。騶虞者，必其白質黑文，如獸之騶虞者也。騰黃者，必其縞身朱鬣，如獸之騰黃者也。飛兔者，必其龐然而蒼者也。麒麟者，必其粹然而黃者也。非馬之有六駮，騶虞飛兔騰黃麒麟也。乃馬之似六駮，騶虞騰黃飛兔麒麟也。駮音博。

飛鴻野麋娥鹿騶吾走狐桃騾金喙

廣雅曰：皆馬屬也。

騶驪騶

黃白騶詩曰：騶駮其馬。騶馬黃脊，騶驪馬黃脊，皆背脊毛黃。

騶驪騶

青騶騶，今之鐵騶也。詩曰：騶彼乘騶。青騶驪驪，色有深淺，斑駮隱騶。今之連錢騶也。青騶繁鬣騶。禮記曰：周人黃馬繁鬣，兩被毛，或云美毛鬣。騶音萱，騶音蘭。

匹練

家語：顏回望吳門，馬見一匹練。孔子曰：馬也。馬之光景長一匹耳。

騶北馬

天文志。驥之北土。馬牧之所蕃庶。故天苑之象有焉。

笮馬翼

史記。巴蜀沃野。西近邛笮。有笮馬旄毛。

蜚鴻

東方朔傳。騏驥騄耳。蜚鴻華騶。天下良馬也。

犍爲馬

蜀志。馬鳴溪。昔土人鄭氏牧溪上。馬產龍駒。四蹄利爪。朱驥頰尾。高七尺。振鬣長鳴。躍于水故名。

國馬天下馬

莊子曰。吾相直者中繩。曲者中鈎。方者中矩。圓者中規。是國馬也。而未若天下馬也。天下馬者。若亡若失。若喪若一。若是者。超軼絕塵。不如其所。

百八十歲

抱朴子曰。韓子治嘗以地黃甘草哺五十歲馬。以生三駒。又百三十歲乃死。

駉龍玄駒褭驂

說文曰。馬一歲曰騄。二歲曰駒。三歲曰駉。八歲曰駉。高六尺曰驕。七尺曰駉。八尺曰龍。爾雅翼曰。駉宜於牧。故釋獸稱駉。牝驪牡玄駒褭驂。蓋言以駉爲牝。以驪爲牡。而生玄駒則爲褭驂也。腰褭良馬名。褭驂取

名于此詩稱衛文公秉心塞淵騅牝三千

紫鸞

文選將使鸞紫駢衡紫鸞駿馬名

飛燕天驪

張景陽七命駕紅陽之飛燕又曰天驪之態超越逸羣

騏雄

劉琬馬賦曰吾有駿馬名曰騏雄龍頭烏目麟腹虎胸尾如雪棼耳如插筒

九龍

玉海景德中郡牧判官王叔晦上言九龍十驥之名稱

駿馬天下之馬

相馬經曰前視見目旁視見腹後視見足駿馬也毛束皮皮束筋筋束肉肉束骨五者兼備天下之馬也

荏鐵

馬經驄馬之別七曰荏鐵

虎文馬

山海經一臂國有黃馬虎文一目而一耳

滑水馬

山海經曰滑水中多生馬而文臂牛毛其音如呼。

驪馬

寰宇記電白海中出驪馬似馬而牛尾。

頗梨馬

吐火羅國頗梨山南崖火中有神馬國人每牧牝馬于其側時產名駒皆汗血焉。

銅父

地境圖曰銅父之精皆爲馬。

龍孫

韻府續編青海之傍馬多龍種號龍孫。

如龍

洞冥記須彌國有馬如龍騰雲逐日兩足倚行藏形于空中惟聞聲耳。

小馬

洞冥記曰畢勒國有小馬如駒日行千里毛垂至地東王公常騎此馬朝發陽池夕飲虞淵一日一夕往返七八度亦良馬也長于空中自放則風飛之或東或西。

駟駿

異聞錄鮑生謂韋生曰春生獲駟駿數匹龍形鳳頸兔脰鳬膺

紫叱撥

異聞錄韋生好乘駿馬游行四方鮑生以女妓善四絃者換紫叱撥

雙脊馬

一統志肇慶瀧水出果下馬駿者有雙脊健而能行

西河龍馬金龍池馬瀘川龍馬峨眉池龍馬蟠塚淵龍馬

一統志龍馬泉在西和縣每春夜牝馬飲泉自然懷駒初無毛色以氈裹之經數月生毛不三歲與大宛馬同又金龍池在馬邑縣後魏時池有二龍化馬一驪一黃遇天陰晦輒出民間牝馬遇之生駒神駿或有角如鹿茸然又唐王昌遇落魄仙授以道術歸呼馬送之瞬息至家馬化爲龍入瀘川澤中又峨眉縣昔有一馬馳走如飛村民攫捕傷足投之池中一夕雷雨大作劈山而去又蟠塚有神馬山下有淵池神馬所生昔人嘗于此得馬頭高三尺

竹批

房兵曹胡馬詩云竹批雙耳峻風入四蹄輕舊說相馬者耳欲如劈竹睛欲如懸鈴此竹批之義也

